

568987

欽定剿平三省邪匪方略

正編

一  
四  
一

卷之五

五

五

欽定剿平三省邪匪方畧正編卷三百四十四

年 戊

十月十四日

壬子

勒保奏言竊

臣

昨在萬縣途次

接據副都統銜達斯呼爾岱副將羅聲臯叅將

桂涵蕭鳳來遊擊羅思舉陳弼馬成林等分兵

剿賊情形當卽恭摺於二十六日具

奏在案維時蕭鳳來羅思舉陳弼等所剿之賊係

白號張元帥夥黨

臣

查白號賊匪惟張簡曾充

僞元帥該逆頌衆肆惡日久近來不知下落今  
既得有蹤跡必須趕緊殲除因嚴飭該將四路  
分兵搜捕茲據羅思舉陳弼等稟稱該將等自  
在康家溝清溪場兩路剿賊後探得剿剩餘匪  
七八十人在東鄉通江一帶分路竄逃官兵卽  
四路偵探二十八日行抵普光寺探得白號張  
姓之賊竄走東鄉所屬鷹背場羅思舉與陳弼

卽分兵兩路追躡二十九日陳弼兵至鷹背場  
該匪又移竄陳家坪陳弼帶兵探蹤緊躡前進  
該匪亡命狂奔適有辦理團練之知府趙秉淵  
在彼督率團勇守住隘口賊匪不能竄越陳弼  
一路官兵追及賊尾奮力圍捕內有穿紅瓊瓊  
馬褂賊一人騎馬奪路欲逃被團勇鎗傷左膀  
落馬官兵趕上擒住其餘賊匪經兵勇三面圍

擊鎗矛並舉殺斃二十餘名生擒十八名並無  
一名逃逸查訊所擒賊首衆人均稱爲僞元帥

張簡卽該逆亦自認不諱初三日臣行抵麻柳

場正遇該遊擊等解犯前來臣親提訊鞫據張

簡供我係東鄉縣人張子聰是我的族叔嘉慶

二年二月張子聰來叫我入營五年正月過嘉  
陵江我管領馬隊總跟著張子聰與湯思蛟到

朝選等一路共有四五百人後來張子聰被官

兵打散衆人便推我爲元帥連年在四川湖北

陝西各處竄走今年春間被官兵追殺得緊就

與湯思蛟劉朝選各自分營我手下只剩有二

三百人逃過湖北在竹谿邊界老林藏躲後來

湯思蛟也帶了七八十個人來仍舊一路同走

近日湖北官兵追殺得緊我復與湯思蛟帶領

衆人逃到大寧紅池壩又會合了藍號王士虎  
的姪兒王步雲大家湊在一起共有五百餘人  
由雲陽萬縣梁山六竹一路逃到川北因官兵  
追得甚緊我們大家商量就分路逃走我與湯  
思蛟要逃過陝西去又被官兵兜截仍折回巴  
縣地方在岳家寺後山被兵追上湯思蛟帶了  
五六十人往石橋河一路去了我祇帶三十多



人逃到陳家坪被寨砢上的人放鎗把我左膀  
打傷跌下馬來就被官兵追來擒住的那湯思  
蛟自今年春間改名叫做田貴怕人認得將鬚  
鬚剃了營裏的人都呼他爲田老大等語查該  
犯張簡係賊中僞元帥疊次抗拒官兵打仗殺  
人實屬罪大惡極今得臨陣生擒洵足痛快人

心臣審明後卽將該犯臠割示衆仍傳首東鄉

起事地方梟示其餘活賊冉元等十八名悉係  
老賊概行正法查此起賊匪自川東竄至川北  
共有五百餘人經臣飭派達斯呼爾岱羅聲臯

等率領將備官兵叠次剿殺該匪復分路四竄  
昨已將僞先鋒王步雲歐三興沈文學韓勝僞  
總兵羅道雲鮮倅宇黃開元等各賊目先後生  
擒并殲除夥匪四百餘名茲復將張簡生擒所

餘僅剩四五十人無難立就殲淨惟據張簡供稱餘匪內有湯思蛟查該犯係川中積惡著名要逆自本年春間被官兵剿散後日久不知蹤跡茲已有確蹤且據稱湯思蛟因恐官兵認識剃去鬚髮改名田貴等語其狡獪伎倆實屬可恨現當該逆萬分窮蹙之際殘孽無多且已得其改名易貌各情節正可乘機搜拏以期必獲

臣現將訊出供情飛札達斯呼爾岱羅聲阜等  
分投搜捕並通飭辦理硃寨團練各委員嚴密  
查緝又總兵田朝貴一路官兵前在竹峪關將  
由楚竄陝之藍白兩號餘匪一股剿辦後移兵  
向川北沿邊一帶老林搜探餘匪二十日探得  
賊匪一起在漆樹壩竄走田朝貴當率兵勇探  
剿適臬司劉清亦派効力通判劉星藻帶領兵

勇前來當卽會商於是夜五更時進剿在小南山趕上賊匪鎗箭齊發殺斃三十餘名生擒十六名奪獲賊旗刀矛甚多餘匪分作兩股一股五十餘人由龍頭寨一路竄走一股百餘人由大寶寨竄過簡池壩向巴山老林奔逸田朝貴當卽分撥劉星藻帶領鄉勇追捕龍頭寨之賊田朝貴自帶兵勇探剿巴山老林竄匪二十二

日探得該匪由巴山老林竄至西鄉所屬亢坪  
龍洞溝田朝貴卽帶兵前往次日寅刻兵抵該  
境賊匪正在起竄官兵趕緊追殺斃賊二十餘  
名生擒十九名餘匪七八十人分股四路奔竄  
田朝貴卽派遊擊薛陞分帶兵勇由菩提河一  
路搜剿田朝貴親帶官兵由土地坎高莊河一  
帶搜剿薛陞等行抵西鄉八海坪探得青崗林

內藏匿賊匪二十餘人薛陞當率勇圍住殺斃  
十六名生擒七名並無一名漏網田朝貴一路  
兵勇行至涿埡子探有賊三十餘人在該境竄  
走當卽趕上殺斃十五名生擒十三名餘匪十  
餘名向尖埡子皮家坪一帶老林四竄無蹤其  
劉星蕖所帶鄉勇亦由龍頭寨追賊至大小驛  
馬地方殺賊二十餘名生擒十一名餘匪尙剩

十餘名均無器械向紅笋林逃竄田朝貴當將  
先後五次接仗所擒活賊六十六名一併查訊  
內有王璋一名據供係河南唐縣人向在高二  
馬五營內充當先鋒又劉普遂一名據供係四  
川忠州人本係王三槐營內戰手後歸高二馬  
五一路充當總兵自高二馬五殲後二人卽帶  
夥匪逃往湖北躲避近日湖北兵多竄回西鄉



老林又據供各處老林尚有零星藏匿的人若

官府准饒他們的命都情願投出等語田朝貴

當將王璋劉普遂二人暫留川北卽交劉清一

路辦理招撫事宜其餘活賊訊出戰手李安鳳

等三十八名被脅難民陳國正等二十六名因

距<sub>臣</sub>軍營路遠田朝貴訊明後卽分別正法釋

放又據田朝貴稟稱西鄉鶯嘴寨地方九月初

五日有執長矛二十八人由寨外經過始言係探路官兵要寨上人帶路及寨首王道禮派人下寨帶路其人卽自言我等不是官兵實在是白蓮教近見官府免罪的告示我等商量要投出入離城路遠所以向你們寨上人告知當將長矛二十八桿交給該寨民點收其人皆分路逃散而去又據通江縣皮寨團首趙建稟稱九

月初旬該境有零賊四十餘名近日不知蹤跡  
但見附近山林內棄有長矛四十餘桿想賊匪  
各已逃散等語臣查閱此等情形賊匪悔罪解散

大有明驗此固該匪被剿窮蹙所致實係仰賴

皇上聖德好生准其投出免死故能感格奸宄各自

解散又據太平文武稟報近日探得王國賢餘

匪一起由湖北竄入陝西紫陽地方經經畧額

勒登保派令提督穆克登布總兵喜明等督率  
將弁分路截擊連次斬獲甚多所剩餘匪三百

餘人由陝西茨逢溝竄入川境穆克登布帶兵

緊躡剿殺等語臣現飭田朝貴移兵太平探明

此股賊匪趕緊剿除再前此楚境有線字號賊  
匪一起黃號賊匪一起由大寧邊界竄至雲開

一路合夥向梁山萬縣等處竄走經臣飛調副

都統達勒精阿武隆阿副將鄭啓貴等移兵追

剿臣亦因川東邊界近日賊勢較輕是以親赴

梁萬一帶督辦詎該匪一聞官兵信息卽向鄰

水大竹狂奔臣恐竄近江岸立飭官兵沿江兜

截該匪卽折向東鄉一路奔逃現在已竄至中

河普光寺一帶非左竄通江卽右竄太平此時

達勒精阿武隆阿等已緊躡前進臣拜摺後亦

即日向東鄉進發既可策應達勒精阿武隆阿

及田朝貴兩路之兵又可就近督催搜捕湯逆

以期必獲再成都府知府趙秉淵向來歷辦軍

務素稱熟手此次臣調令督辦達縣東鄉新寧

梁山太竹等處寨洞團練該守實心經理頗著

成效昨官兵在東鄉境內追賊該守督策團勇

分路攔截均有斬獲茲復能率勇將首逆張簡

堵擊鎗傷俾官兵得以臨陣生擒實係文職中  
勇敢能事之員查該守前在湖北黃栢山軍營  
辦事經額勒登保奏請

賞戴花翎今復辦理團練出力可否仰懇

聖慈賞加道銜以示鼓勵之處出自

天恩奏入

上命軍機大臣傳諭勒保曰首逆張簡隨同張子聰

起事先充賊中僞元帥肆惡日久輒轉奔逃此次

經勒保督飭羅思舉陳弼等帶兵分路追躡復經

知府趙秉淵督率團勇守隘圍捕將該逆鎗傷落

馬趕上擒獲餘賊悉就殲擒其田朝貴一路官兵

亦節次均有斬獲所辦俱好惟閩摺內王國賢餘

匪一起由湖北竄至陝西經穆克登布等截擊竄

入川境尚有三百餘人勒保現飭田朝貴移兵太



平探明趕剿又有楚境線字號黃號餘匪前由大  
寧邊界竄至梁萬等處復折向東鄉一路奔逃現  
有達勒精阿武隆阿等緊躡追剿傑亦已親赴

東鄉策應等語此二起餘匪由陝楚竄入川境皆  
由該處官弁防堵不力本有應得之咎今已從寬  
不加深究勒保當嚴飭田朝貴達勒精阿武隆阿  
等上緊剿辦現在時屆冬令轉瞬沍寒務須儘此

十月內將線字黃號及王國賢餘匪卽在川境奮  
力剿淨不得又任折回楚陝若能就地殲除仍當  
將該鎮將等加以恩賞至此兩股零匪如果辦淨  
並探明陝楚斷無竄川之賊彼時勒保卽可馳遞  
黃摺捷音其湯思蛟一犯據張簡供稱業經剃髮  
改名可見勢極窮蹙果能就獲固屬甚善如實係  
隻身逃竄亦不必因此稽延大局總之一經奏報

戡定後川境必須實在肅清更無零匪潛出方爲  
妥善當此功屆垂成之際勒保當勉之又勉剋日  
戴績佇膺懋賞至知府趙秉淵久辦軍務此次復  
率團勇堵擊俾首逆張簡得以臨陣就擒甚屬可  
嘉趙秉淵著加恩賞給道銜遊擊陳弼督兵團捕  
亦屬出力著加恩賞給叅將銜以示鼓勵其鎗傷  
張簡左膀之團勇並著勒保查明姓名如該團勇

尙無頂戴卽賞給頂戴如已有頂戴卽著賞戴藍翎再川東川北一帶山內刻下自無成股之賊在彼潛藏但零星散匪保無有十數爲羣遁匿其中者若不淨絕根株仍恐其復行糾聚勒保於奏報

歲事後當分派得力鎮將帶領官兵將川東川北各山內以次排搜務須遍行躡捕實在掃除絕迹方可先撤勦勇次撤官兵爲一勞永逸之計彼時

再會同經畧叅贊及楚陝督撫詳議章程每年三省派出提鎮大員於川楚陝交界老山大林內定期會哨一二次奏明遵照辦理

同日

上諭內閣曰戶部議駁陝西巡撫陸有仁咨覆軍需章程各款一摺已依議行矣單內所駁軍營賞需物件於軍需餘平項下動支一欸尤屬近來軍營

陋習軍需餉項皆有一定支銷豈應濫增浮費乾隆四十一年四月內曾欽奉

皇考高宗純皇帝諭旨以軍營賞號一項實屬濫設嗣

後卽當永遠刪除當經恭載入戶部軍需則例奉行

已久此後軍營從無濫增賞項之事自福康安辦

理各處軍務始於賞號一項任意浮加聞其向屬

員等紛紛勒取以充私賞甚至於軍需正項亦復

恣意提用以致費無所出捏款開銷各路軍營無  
不踵其流弊朕於軍營士卒軫念時殷每遇打仗  
得勝未嘗不優加賞賚並節次頒發銀兩交經畧  
叅贊等隨時卹賞然皆特給內帑並不令於軍需  
正項支銷原以杜其壑混如果軍營內有必須賞  
項之處亦當據實奏明請旨何以率請立款報銷  
卽云所請動支之款係屬軍需平餘然餘平一項

獨非國帑乎著通諭現在辦理軍需報銷各督撫均不得將賞項一欸濫行添入軍需以符定例

十五日癸丑額勒登保奏言竊臣接據探報戴逆

股匪經德楞泰督率總兵吉林泰李天林蒲尙佐副將呢瑪善數路官兵先後由雲霧溪上鶩

坪瓦房溝向家壩分道進剿該匪已奔紅坪等情臣查該逆不過五六百人如有數路大兵跟



剿勢必亡命狂奔不竄入川卽仍竄興房一帶

德楞泰連日跟剿相距稍遠尙未接到剿辦情

形臣率同札克塔爾格布舍等帶領兵勇由秋

山溝曾家壩向東南進發沿途探報附近山內

零匪或七八十人爲一股或四五十人爲一股

分投奔竄並有騎馬賊匪二十餘人自爲一股

由太平河向全溪奔竄臣查賊匪零星必須分

兵剿辦就地掃除隨派將備各帶兵勇分路前往搜剿並恐騎馬之賊有首逆在內派把總顧應全敬朝貴帶領鄉勇百名不帶鍋帳不分晝夜專行跟蹤追剿分飭趕辦去後二十八日據總兵喜明派赴湖溪之遊擊楊雲霄稟報二十七日探有賊匪六七十人由楚界劉家坪竄至陝界白楊溝老林邊游奕該遊擊卽帶領兵勇

前往搜剿於戌刻趕抵白楊溝山堽望見該匪  
均在溝內板房屯聚令兵勇在山堽暫息候至

半夜暗行前進抵該匪屯聚之所四面圍定齊  
聲喊殺該匪驚起持矛向外抵死抗拒情形甚  
爲兇惡當經該遊擊飭將板房用火點燃該匪  
情急冒火逃出二三十人其餘均皆燒斃復經  
兵勇跟追生獲活賊五人具報前來查訊此股

孫孫清元前在梓木樹堦剿散分竄之賊有陳  
姓僞總兵夏姓先鋒帶領並無首逆在內其陳  
姓夏姓二逆是否已經燒斃無從辨認隨飭將  
獲犯正法並令該遊擊仍行搜剿務期淨盡又  
據都司柯藩稟報探有賊匪八十餘人由化龍  
山繖子坪向灤河竄來經守備王英帶領鄉勇  
由魚篷子取道趕往截剿二十八日進抵灤河

探悉賊匪相距三十里隨令各勇連夜齊向賊  
屯進發詎該匪先已起竄各勇當卽跟蹤追殺  
殲斃賊匪十九人生擒八名餘匪已飛奔白土  
嶺向東逃遁業經格布舍帶領副將張瑗都司  
張起鰲守備馬忠良探悉賊蹤帶兵趕往接剿  
初三日接據顧應全敬朝貫等稟報該弁等連  
日由王家河木瓜園古佛嶺一帶跟蹤探剿一

纂三才圖會卷之三

十九日行抵黃河溪經寨民告稱有賊匪二十餘人盡皆騎馬竄廣龍灘化力坪一帶該弁星卽跟追初一日夜間行至安泰寨邊探知該匪等均在王家莊空房屯聚該弁等潛派各勇分爲兩路約至四更時一齊撲下圍殺詎該匪尙敢併力持矛當門死拒相持一時之久顧應全等商令將各勇暫行撤退俟該匪竄出再行趕

剿該匪等突然衝出各勇趕上喊捉首先一賊  
持矛率衆回抵倍常兇狠經鄉勇李福用箭射  
中該匪左面倒地鄉勇游奇趕上用矛戳斃餘  
匪始行慌亂紛紛丟棄矛桿爬山逃遁復經各  
勇趕上戮斃二人生擒活賊一名楊孟訊據供  
稱我們是熊元帥領的共二十二個人有二十  
三匹馬都是先鋒探馬並老子手前日因與矛

子手們爭鬧纔分路走的方纔你們殺來我們  
拚死衝出被你們把熊方青并探馬劉宗林李  
秀殺了衆人纔慌亂奔跑我在後面被捉眼見

熊翠帶傷爬山逃去等供該弁將楊孟留爲眼  
目跟蹤追捕卽差人將首級耳記割獻前來同  
時並據總兵德昌稟報該鎮連日帶兵探剿賊  
匪向全河前進初一日叅將承祿都司麻光裕



率領前隊兵勇亦探知該匪屯紮王家莊天明  
時趕到該處把總顧應全已乘夜圍剿正在搜  
捕承祿麻光裕當飭兵勇於各山林內逐細排  
搜隨獲帶傷賊匪二名已不能言語當經戮斃  
生擒賊匪一名李高璜嚴訊亦供熊方青夜間  
被官兵殺死等情臣查驗送到熊方青首級與  
獲犯所供年貌雖屬相符但生獲之楊孟李高

璜二犯現因留作眼目尙未解送來營卽有平昔認識該逆之人恐未確切現今熊翠帶傷逃去蹤跡料不能遠亦札飭德昌承祿顧應全等務將熊翠等全數弋獲毋使一名漏網俟將該犯生致令其辨認是否真確自無疑義並據遊擊劉健標稟報率同等備管繼祥蘇明等帶領兵勇由石牛河一帶探剿初一日探悉有零匪

八九十人在長坪滋擾當卽督率兵勇趕往傍  
晚行距長坪數里據寨民報稱賊匪現被寨勇  
鎗礮轟擊竄上大梁當卽派令守備管繼祥蘇  
明帶領兵勇順右手上梁仰攻該遊擊帶兵由  
左手溝內抄向山後截殺守備管繼祥蘇明帶  
兵趕到天色已黑見該匪約三十餘人佔據山  
頂管繼祥在前率衆向上攻撲蘇明在後督催

不料山半樹林內另有伏賊四五十人突出守

備蘇明猝中矛傷陣亡兵勇傷亡數各山上之

賊亦乘勢下壓管繼祥督衆分禦奮力殺斃賊

匪三名額左受矛傷一處適遊擊劉健標一路

兵勇趕到併力合攻賊始潰竄當經殺斃賊匪

十餘人該匪力不能支卽狂奔向王家河竄去

現仍跟追等情

臣

當卽派令札克塔爾帶領兵

勇四百餘名趕赴督率劉健標等務窮所向卽

予掃除臣率師按續前進現已行抵竹葉關嚴

飭各路官兵務於日內將各零匪殄除淨盡接

據提督豐紳來信帶兵駐紮川楚邊界徐家壩

差探得雲萬一帶有竄匪一股約六七百人未

識是何股匪勒保已飛調副都統達勒精阿武

隆阿一路官兵前往剿辦勒保亦親身趕往督

剿等因其湯思蛟張簡餘匪經副都統銜達斯  
呼爾岱副將羅聲臯連次剿殺後只剩三百餘  
人復由巴州折向營山儀隴地界該副都統等

已追剿而前又有王姓及李士品股匪在通江  
太平境內游奕田朝貴許文謨劉清均相距不  
遠自己帶兵探剿查刻下川省竄匪雖爲數稍  
多均有官兵跟蹤剿辦無難以次掃除但恐該

匪被剿情急闌入陝疆不可不嚴爲防範穆克  
登布帶兵現至紫陽太平交界之麻柳壩該路  
兵勇共二千餘名均係勁旅

臣

已知照穆克登

布分出一路兵勇派令副將銜閻俊烈帶領由  
川界之大竹河高頭壩羊耳壩等處傍界嶺向  
東隨探隨進無論何股竄近均可迎剿穆克登  
布帶領一半兵勇在麻柳壩一帶往來探剿如

川省賊匪敗竄而來即可與追兵夾擊集事總

俟川北肅清陝疆可以無虞再行帶兵向東兜

剿將餘匪逼歸川楚陝三省邊界會合兵力全

數掃除再臣前接提督慶成呈報該提督於嘉

慶元年帶領直隸官兵赴豫楚剿賊該處向有

發遣蒙古罪人經前河南撫臣景安陸續撥到

軍營共一百七十八名並無專帶之員歷隨恒



瑞慶成永保剿賊數載於茲除陣傷亡故及傷  
病遣回外尙餘二十餘人本年秋間正值減撤  
東三省官兵因該蒙古人數無多已令前赴漢  
中聽候減撤各回原省等情臣卽行咨撫臣陸  
有仁就近查明點驗均令遣回毋庸酌留並將  
該蒙古從前犯事案由詢覆旋准陸有仁咨稱  
所有送到軍營蒙古內原配湖北省之莫霍爾

額爾拉呢畢里克圖巴拉桑原配河南省之栢  
勒泰丹巴格勒克森畢勒巴彥桑吹勒黨扎木

蘇瑪吉格鄂托渾萬舒克巴圖九爾噶勒波喜

德拉瑪諾旺徹布登杜楞奈楞孟格圖孫多布

布彥圖德勒格爾巴蘇太等二十四名已經照

例應付派員送赴楚省入境首站交替各回湖

北河南原省查收並將各蒙古原犯案由詢明

造冊前來臣查該蒙古等均係偷竊馬匹牛隻

問擬發遣安置之犯情罪本不甚重若果在配

無過早可援

赦釋回茲征剿賊匪除陣傷亡病故外現存人數無

多且辛苦數載亦曾著有微勞若仍令回原配

處所未免向隅應懇

皇上格外施仁

欽定四庫全書

勅下河南湖北撫臣查明先後由軍營遣回各蒙古

一體加

恩均予釋回俾其沾

闔澤溼被

生成是否可行伏乞

皇上訓示奏入

上命軍機大臣傳諭額勒登保曰額勒登保奏熊方

青一起餘匪竄至王家莊屯聚經官兵趕剿將該  
匪戮斃熊翠一犯帶傷逃竄所剩餘匪無幾惟據  
稱接豐紳來信探得雲萬一帶有竄匪一股約六  
七百人勒保已飛調達勒精阿武隆阿一路官兵  
前往剿辦等語昨據奏到有楚境線字號黃號餘  
匪一起由大寧邊界竄入雲開一路折向東鄉中  
河普光寺一帶奔逃達勒精阿武隆阿現已緊躡

前進卽係此股賊匪勒保摺內祇敘該匪奔竄情  
形並未提及賊數多少今額勒登保摺內敘明有  
六七百人可見此股零匪距額勒登保駐紮地方  
較近是以得信確實該匪一起爲數尙多必須速  
行剿辦現據額勒登保派令穆克登布帶領兵勇  
在麻柳壩一帶探剿與其俟該匪竄近陝境然後  
探剿莫若卽令穆克登布帶領兵勇入川顧住北

面仍可防陝迎頭截擊與達勒精阿武隆阿前後  
夾攻更無難一鼓殄滅元額勒登保現在竹谿一  
帶駐劄兼顧陝楚邊界亦不慮竄匪等闖入額勒  
登保身任經畧無論在陝在川竄匪惟當不分畛  
域一律殲除務令穆克登布趕緊將線字號黃號  
竄匪六七百人與川省官兵奮力合擊盡數殲擒  
現在楚省餘匪經德楞泰等追剿無難尅日辦淨

天氣已屆冬令轉瞬沍寒額勒登保務當督飭鎮將儘此十月內全數肅清奏報歲功佇膺懋賞斷不可稍有稽延勉之望之又據奏由軍營撤回之發遣各蒙古可否施恩等語該蒙古等從征剿賊除傷亡病故外祇有二十四名出力數年卽當日所犯情罪不應赦回者亦可酌量加恩現已飭令湖北河南督撫查明該蒙古犯罪案由開單具奏



並著額勒登保查明莫霍爾等二十四各自派往  
軍營後係在何路剿賊有何勞績曾否受傷分別  
開單具奏候朕加恩又摺內稱傷斃熊方青之鄉  
勇李福游奇二人尙爲出力著額勒登保查明此  
次所斃如果實係熊方青應將該鄉勇二人賞給  
頂戴如原有頂戴卽賞戴藍翎並再酌賞銀兩以  
示鼓勵其陣亡守備蘇明著加恩咨部賜卹

同日

上命軍機大臣傳諭湖北河南督撫曰據額勒登保  
奏查明軍營內有隨征之發遣蒙古二十四名現  
應撤回配所可否格外加恩等語此項蒙古本係  
因罪發遣嗣緣軍營需用馬隊派令隨征現除傷  
亡病故之外尚餘二十四人此時大功將竣該蒙  
古等出力數年若仍令其再回配所當差轉不得

與遇赦者一體邀恩著將原配湖北等省之莫露  
爾等二十四名開列名單發交湖北河南督撫卽  
查明該蒙古等犯罪緣由及到配年月詳悉開單  
奏明候朕酌量加恩

卷之五十五

皇朝通志卷之五十五

皇朝通志卷之五十五

皇朝通志卷之五十五

欽定剿平三省邪匪方略正編卷三百四十五

壬戌年

十月十六日

甲寅

德楞泰奏言前據探報零匪百

餘人有竄至南溪溝青峯溝之勢查青峯溝入

山卽係朱家溝老林當令富登阿副將達自祥

遊擊楊登魁帶兵星夜前赴剿辦該匪先已竄

入青峯溝富登阿達自祥楊登魁緊躡賊蹤進

山臣卽飛飭馬瑜等就近由油榨溝迎剿夾擊

十月初一日接據托爾托保朱士奉稟報二十  
九日分兵由彎腰樹舉人坪入林搜捕有零匪  
數十名在彼游奕賊匪見兵先逃殺賊一名生  
擒十一名滾崖跌死者十餘名餘匪仍散藏於  
密林之內因雨霧甚大未能遍搜等語初二日  
又據馬瑜等稟報該鎮帶同副將馬應國遊擊  
劉彪都司左位等抽撥兵勇迎剿另股賊匪行

距油榨溝數里雨霧中遙聞官兵殺喊之聲卽  
率兵勇分投迎剿與富登阿達自祥楊登魁等  
前後夾擊斃賊二十三名生擒牟尙太賴太林  
等四十二名尙有餘匪數十名乘霧四散匿於  
密林次日大雪復加遍搜擒獲劉世倫等二十  
八名林內縊死者三名滾崖跌斃四名凍死者  
二名割獲耳記十一副隨將獲犯并耳記刀矛

一併解送來營訊據牟尙太等供我是向元帥  
營裡探馬頭這向元帥名叫向世得原是蕭四  
掌櫃駁內的他自稱元帥還有一個總兵黃天  
祿共有一百十三人這幾年總在這邊界上一  
帶老山裡藏躲不想官兵殺來向世得是初一  
日滾巖跌死黃天祿也被殺了等語臣查向世  
得所帶餘匪一百十三人計先後擒斬並跌斃



縊死凍死首從均已搜剿淨盡其向世得跌斃  
查係懸崖深溝無從割取首級所有擒獲此股  
賊匪牟尙太等七十名內有婦人曹唐氏劉謝  
氏二口又有被擄難民劉裕新等四名訊明均  
卽照例省釋其餘牟尙太賴太林等六十四名  
俱係陳賊一概正法又據探報房縣之黃柏埭  
老林內有零匪百餘名在彼藏匿

臣查黃柏埭

老林在木耳溝之西距吉林泰李天林之兵四  
五十里當飛飭該鎮等酌留兵勇扼據木耳溝  
之路抽撥步隊赴彼搜剿初二日據吉林泰李  
天林稟報將馬步兵勇酌留木耳溝抽出步隊  
帶往黃柏坳搜剿當派叅將毛秉剛等由荆竹  
園老木孔一路派都司張天仲等由王家腦長  
嶺岡鍾家嶺一路分投前進旋探有零賊八九

十人果在黃柏端老林草房內藏匿於三十日  
五鼓進至該處卽將房屋三間圍住突入刀矛  
亂殺該逆驚亂被兵勇等分投剿殺全數撲滅  
點查殺死賊匪四十三名生擒周泰學等二十  
名其餘均被兵勇于截滾巖訊據周泰學楊勝  
興等供稱係王士虎股內打散的有九十二人  
係元帥李發舉管帶因人少不敢出山總在各

處林內藏躲如今李發舉已被官兵亂矛戳死  
並將獲犯周泰學等二十名耳記十四副并旗  
矛等件解到大營臣查驗覆訊無異除將戰手

周泰學等十八名正法外其難民田士龍等二  
名照例釋放初三日申刻據馬瑜稟報探得戒  
四崔胡餘匪百餘人乘雪霧瀰漫之際竄至老  
林東南業已取道跟蹤追躡富翰呢瑪善亦帶

馬步兵勇由上龕羊岔河向東面前進臣當又

派色爾滾侍衛慶昌協領德寧阿總管蘇清阿

等帶領馬隊接續馬瑜前進

臣

督率溫春富登

阿托爾托保副將達自祥朱士奉等帶領馬步

兵勇繼進茲於初七日行抵長房河據馬瑜等

稟報戴四崔胡賊匪已向興山老林內橫河一

帶奔逃現在四路官兵距賊不遠俟探明路徑

分投趕剿又查富僧德蒲尙佐分帶兵勇二千  
餘名已由房縣向興山東南前進一二日內亦  
可趕到該處原有陳姓賊匪外尙有零匪二起  
臣已飭令隨時探明無論何股遇賊卽剿看此  
光景各路湊合兵威盛壯事機已極順利仰仗

天威如戴四崔胡賊匪卽日得以剪除乘此大兵雲  
集再將興巴山內所有藏匿零匪趁勢分兵多

路遍行搜剿可期迅卽淨盡頃又接准經畧額  
勒登保來信所追竄匪疊被剿殘南竄入川已  
派穆克登布帶兵緊跟趕剿陝境迤西自可無  
虞已督兵由磚砦會家壩取道竹谿之豐溪鎮  
坪入楚自西北向東南探蹤截剿等因臣查現  
在戴四崔胡並陳姓賊匪及山內兩起零匪官  
兵業已分投截剿惟恨此時各匪恃其人少便

捷見兵狂奔總不出深山密箐冀延殘喘如能

就地掃除固爲盡善設或散逃

臣

卽將與巴一

帶所有零匪分佈兵勇自東南逼向西北期與

額勒登保合力夾擊一鼓集事約計全楚現有

賊匪不滿千人而又勢皆窮蹙

臣

等兩面趕剿

更易廓清又查德昌都當阿等所追能翠等匪

百餘人近據稟報疊被剿殺只剩數十人折向



葛藤口奔逃臣亦卽飛飭該鎮等務將熊翠熊

方青並夥匪等趕緊剿辦總以根株盡絕爲要

再臣近由陝界至川界經過二竹境內并無一

二百成羣之賊但該處一帶在在老山箐林難

保不無三五零匪藏匿亦須兵力搜捕德昌現

辦熊翠零匪不能兼顧臣卽令吉林泰李天林

等就近帶領原兵在於二竹一帶往來梭織遍

行搜捕臣惟有與額勒登保同心協力趕緊將

全楚肅清冀卽會合以定大局再此次陣亡受傷兵勇數名容俟查明另行咨部辦理奏入

上命軍機大臣傳諭德楞泰曰此次德楞泰派令馬瑜吉林泰等將油榨溝黃柏垵兩處餘匪分投剿淨其戴四崔胡等逆祇剩百餘人據稱房縣興山一帶原有陳姓賊匪並零匪二起統計全楚現有

之賊不滿千人賊勢日益窮蹙德楞泰現在督率  
鎮將等分路追捕自無難尅日辦淨惟摺內稱訊  
據獲賊牟尙太等供稱向世得等共有一百十三  
人這幾年總在邊界上一帶老山躲藏又據獲賊  
周泰學等供稱李發舉等帶有九十二人不敢出  
山總在各處林內藏躲各等語可見此等散匪竟  
以大山老林爲藏身之固想尙不止向世得李發

舉兩起倘搜除未盡難保其不復行糾聚必須辦  
淨方爲盡善已遲延至七載勿草率於一時是以  
前降諭旨令德楞泰等於剿捕歲事後派令得力  
鎮將於二竹興山房縣等處山林內逐一排搜以  
期剗絕根株勿滋餘孽但各處山林內均有居民  
村落若不先行曉諭猝令官兵入山查搜未免驚  
擾德楞泰等當明白出示諭以爾等在山內居住

已久各安生業本屬良民連年賊匪被官兵剿急  
或有一二餘匪逃至山內向爾等捏稱難民懇乞  
收留爾等一時無從辨識誤行留住亦屬事所不  
免現在大功告竣各處賊匪俱已剿辦淨盡其山  
內藏匿零星之賊自當一律搜除爾等家內如有  
來路不明知係曾經從賊者即將該犯密行縛獻  
斷不治爾等以窩留之罪轉不必心生畏懼代爲

容隱如此剴切曉示該處百姓自知前此誤留匪  
犯自首可以免罪定卽紛紛縛獻於搜捕不無裨  
益其所派排搜之員必須擇其明白精細者方能  
經理妥善若令不曉事之人張皇搜索或有意邀  
功必致擾及無辜轉非緝匪安良之意卽山內居  
民等一時未及投首經官兵搜獲者亦祇將該犯  
照律辦理不必究其向來藏匿何處致有株連德

楞泰當會同吳熊光遵照妥辦俾全局益臻完善  
此時已屆冬令轉瞬沍寒現在額勒登保帶兵顧  
住西北迎剿而來德楞泰自東南逼擊正可將各  
起餘匪合力夾攻務於十月內悉數殄平馳奏大  
功戡定捷音渥膺懋賞朕惟計日以待也

同日吳熊光奏言竊查熊翠熊方青股匪被剿  
窮蹙率其夥衆百餘人狂奔陝楚邊界經總兵

德昌跟蹤追擊該匪折竄竹谿南山榆樹扒一  
帶德昌抄赴廣龍灘等處迎擊值經畧額勒登  
保統兵東來距楚境不遠復派兵勇將陝楚連  
壤地方未淨零匪分投捕剿茲據探報熊逆等  
竄至谿屬王家山屯匿民房額勒登保派到官  
兵乘夜追擊當將熊方青殺斃並殲擒餘匪十  
餘人惟熊翠聞信帶有數十人連夜逃遁官兵



復繫追前進等語臣查熊方青與熊翠狼狽爲

奸熊方青旣經官兵當場殲斃卽熊翠尙在潛

逃實已亡魂喪膽無難卽時擒獲至戴四崔宗

和胡明遠股匪前在認子坪甘溝口老虎溝等

處連被剿敗後竄匿深林連日疊據探報叅贊

德楞泰率兵由平渡河分路進擊痛加剿散殲

擒甚多該匪遂分股四竄德楞泰探有逸出餘

匪一股尙在南溪一路逃遁復派總兵馬瑜等帶兵迎截殲擒一百餘名該匪情急自縊及投崖死者十餘名訊據獲犯供此股係頭目向世得帶領共有一百餘人已被盡數剿除又總兵吉林泰李天林探有零匪一股向黃柏垵藏匿該鎮等率同叅將毛秉剛都司張天仲守備張代鳳千總辛得勝等分帶兵勇由桐木園連夜

進發趕抵該處適匪徒等俱在民房憩息並未  
准備叅將毛秉剛等率領兵勇突進將房屋圍  
住痛加殲戮時有從屋內冲出圖脫者復經兵  
勇追擒截殺生擒二十名訊據獲犯供稱此股  
係偽元帥李發舉帶領共九十餘人均當場殲  
滅並無一名漏網又副將朱士奉率同千總鄭  
光明帶領鄉勇在木耳溝一帶老林搜剿斃賊

二十餘名生擒十二名所有各鎮將等擒獲活  
賊俱解赴德楞泰營盤訊明辦理此次戴崧賊  
股經德楞泰督率鎮將分投截殺數日之內疊

有斬擒其散逃零匪并已次第殲洗據探該匪

現存黨夥祇百餘人由八角廟老林竄入興山

一帶山內德楞泰已緊追前進臣伏查楚境賊

氛前此惟熊蓋兩股人數稍多今熊逆當十分

殘敗之餘復經官兵將熊方青殲斃所餘熊翠  
首夥數十人業已不能成股而戴四崔宗和胡  
明遠一股又經連次截剿所剩首夥無多亦復  
窮蹙已極巴東境內陳姓一股臣前派守備鄧  
興相帶領鄉勇往剿德楞泰復令總兵蒲尙佐  
率兵繼進現在德楞泰追捕戴崔二逆前赴興  
山與巴東較近更得就近督辦二竹房縣南山

未淨零匪德楞泰現留總兵吉林泰李天林會  
同德昌分投搜捕而經畧額勒登保已由平利  
會家壩一路入楚并分兵於竹谿境內巡搜兵  
威壯盛以目下情形而論早晚德楞泰將戴崔

胡三逆殲擒并將巴東陳姓一股痛擊一二仗  
大局即可戡定當此功屆垂成之候

臣

惟有督

率糧局各員將糧餉一切源源供運并與額勒

登保德楞泰籌酌機宜會商妥辦至在楚隨征  
之兩廣江西等省官兵除現已將留養後路病  
痊各兵由水路陸續遣回外其現隨前敵兩廣  
兵丁一俟剿捕大局稍定卽當先行撤出遣回  
再<sup>臣</sup>遣送回營各兵俱令由水路前進下水舟  
行無虞遲緩而該兵丁亦得藉以養息庶到營  
之日不致疲乏再<sup>臣</sup>接據湖南澧州直隸州知

州及所屬永定縣知縣等稟稱本年八月內有  
江西民人樊新德來至永定縣城外居住捏稱  
職官穿用五品頂戴補服拜望舖戶誑騙銀錢

該縣訪拏訊究據供前在陝省途遇教匪被擄  
入夥曾從賊搶掠糧食後乘賊股剿敗逃出等  
語錄供稟報前來

臣

查該犯以平民詐爲職官

沿途誑騙銀錢已干嚴禁至所供曾經從賊搶



掠一節核與嘉慶四年賊竄地方時日未甚符  
合尙難盡信且查現在賊氛窮蹙賊營中被裹  
入夥乘間逃出者所在皆有即使前在賊營爲  
之搶糧作探亦有應得之罪但屢奉

諭旨賊隊中如有能悔罪投出者概予免死經

臣遵

旨發貼告示年來遇官兵打仗追剿時賊營散出之  
人不少實屬解散賊黨之良法今賊勢日就零

落其中被脅男婦正欲其逐一渙散庶剿辦易  
於集事若因其曾經從賊刻意追究不特地方  
辦理不善輾轉株連致滋拖累並恐各處散出  
之人心懷疑懼不能相安而賊夥聞風亦必裹  
足適足以固結賊黨於剿撫大局殊有關係是  
以臣現飭湖南按察司提訊樊新德止治以應  
得之罪不必紛紛關查以省拖累再臣與額勒

登保德楞泰前因楚省添設營制事宜卽須籌  
辦時值提臣長齡染患痢疾吐紅等症一時勢  
難就痊

奏請調湖南鎮筵鎮總兵富志那前來北省暫署

提督今奉

上諭湖北提督員缺已令慶成署理想慶成到楚必  
速已飛飭鎮筵鎮總兵富志那乾州協副將阿

林布如未起程卽各仍留本任至長齡病勢前  
赴南漳調養數日後吐紅之症已止今舊病復  
發行動甚艱南漳距襄陽不遠尙未能前往就

醫仰蒙

恩旨令其回京恐一時亦難起程臣已囑令安心調

養慶成未到以前所有提督事務臣督率該標

中軍叅將次第辦理不致有誤奏入

上命軍機大臣傳諭吳熊光曰吳熊光奏稱熊逆股

匪經額勒登保派兵追剿將熊方青殲斃與昨日

額勒登保所奏相符其戴四崔胡股逆經德楞秦

派兵剿殺將賊目向世得偽元帥李發舉所帶兩

股賊匪二百餘人盡數剿除並無一名漏網亦與

今日德楞秦摺內所敘相符此時楚省零匪經此

兩路大兵分投剿殺迭獲勝仗兵盛賊衰大局不

難戡定目下正功屆垂成之候所有各路糧餉大  
關緊要吳熊光惟當督率局員將軍火供支源源  
接運不可稍有遲誤務期於十月內將楚境全就  
肅清勉成大功同膺懋賞前已降旨令于剿捕歲  
事後派令鎮將於山內逐一排搜勿滋餘孽但排  
搜之員必須明白精細者方能經理妥善不致株  
連德楞泰當會同吳熊光遵照妥辦俾全局益臻

完善又據奏湖南永定縣地方拏獲詐爲職官曾經從賊之民人樊新德一犯請止治以現在應得之罪其從賊一節免其追究等語樊新德一犯敢於詐充職官誑騙舖戶自係不安本分之徒其被擄入夥從賊搶掠之言卽係該犯自行供出豈得置之不究從前屢經降旨以賊隊中有能悔罪投出者概予免死但如樊新德一犯於逃出賊夥後

在沿途地方尙敢詐充官職顯爲不法其情罪實  
爲可惡今經拿獲究出豈得與悔罪之人漫無區  
別所有樊新德一犯該督仍當飭地方官嚴行究  
訊會入何股賊夥在何處搶掠照例定罪但辦理  
不可株連設該犯又復攀扯他人不得輾轉跟究  
致涉擾累又據奏湖北提督印務該督現在暫行  
代辦已飭知鎮筸鎮富志那等仍各留本任等語



前降諭旨富志那本任係苗疆要缺未便令其久  
署他任今吳熊光接知湖北提督已簡放慶成卽  
飛飭富志那不必前赴楚北所辦甚是慶成明歲  
正月卽可抵楚所有湖北提督事務卽著吳熊光  
暫行兼署如此數月內長齡病已痊愈仍可交長  
齡暫管俟慶成到楚後交代可也

十七日 乙卯 勒保奏言竊查新竄入川之黃藍綫

字等號合夥賊匪由大竹梁山向東鄉中河普

光寺一帶竄走而藍號首逆湯思蛟亦尙未就

獲是以臣馳赴東鄉一面督催達勒精阿武隆

阿等將竄走中河之賊趕緊剿辦一面設法搜

捕湯逆以期必獲途次探得青山子地方有賊

匪一起從石橋河江口一路竄來現經副都統

銜達斯呼爾岱副將羅聲臯叅將蕭鳳來等緊

躡追剿臣察賊竄蹤跡正係湯思蛟前此分夥

逃竄之路當卽飛飭該將等迅速殲除并留心

湯逆下落達斯呼爾岱羅聲臯等帶兵行至青

山子探得該匪已經移竄詢之土人據稱賊匪

向麻壩寨一路遁逃約五六十人馬五匹等語

官兵隨加緊馳擊追至麻壩寨趕及賊匪三面

兜圍殺斃賊四十餘名生擒八名其騎馬賊五

人見官兵跟追緊急亡命狂奔馬隊官兵躡蹤  
緊追至牛頸井該匪等卽棄馬滾崖此處山路  
險仄馬不能行當有驍騎校巴圖蒙古棄馬跳  
崖而下該匪見止一人下崖來追卽持矛格鬥  
將巴圖蒙古連戳三傷幸受傷尙輕正在相持  
坎上官兵數名相繼跳下先將持矛格鬥之賊  
一人擒住又擒獲賊二名尙有二賊乘空脫逃

當將所擒賊三名帶回營盤查訊持矛格鬥之

賊據供各虔元正係虔向瑤之姪其餘二賊一

係探馬頭陳世明一係旗手袁疤子當向查問

湯思蛟蹤跡據供坎下脫逃之賊身穿白紬衫

之人卽是湯思蛟時達斯呼爾岱羅聲臯等立

派兵勇搜查杳無蹤跡遂派各將弁四面分佈

晝則搜山夜則在附近山路各隘口設卡坐守

並傳諭碉寨居民一體盤詰初六日僅獲打散  
賊匪三名並無該逆蹤跡至是夜二更後附近  
芝包口塲上草店內忽有一人叩門求宿店主  
陳起銘向其人查問姓名荅云姓田在川北貿  
易回來當卽欸留在店喫飯維時有達斯呼爾  
岱羅聲臯等所派該處塲口坐卡之巡兵杜鎮  
海張觀國等經過該店見其人形跡可疑卽向

本卡外委買玉壽告知買玉壽聞信卽至店查  
看該犯仍自稱姓田買玉壽因有傳知湯思蛟  
改名田貴之事再三盤問該犯不能隱飾始將  
真名供出實係首逆湯思蛟買玉壽遂稟送達  
斯呼爾岱羅聲臯等轉解臣營當令留營作爲  
眼目湯思蛟之族弟湯思武識認彼此一見俱  
相認識並令前獲匪犯庾元正等質認僉稱實

係首逆湯思蛟臣親加訊鞫據該逆供稱隨父

湯文德與王三槐冷添祿徐添德等同時起事  
連年在川陝楚三省往來竄走情形厯厯如繪

又據供近日在竹谿邊界與張簡會合復在紅

池壩糾合藍號王步雲一同竄走入川及春間

剃鬚改名各情亦與昨張簡所供一名合臣

查湯思蛟一犯係與王三槐冷添祿徐添德等



在川中同時起事後來復與劉朝選狼狽爲奸

在川陝楚三省往來焚掠荼毒生靈於各首逆

中最爲狡猾日久稽誅本年川省事機順利所

有首逆如李彬辛聰辛文張添倫魏棒棒陳國

珠楊步青度向瑤劉朝選張簡等或臨陣殲斃

或次第生擒未獲者只剩湯思蛟一犯今仰仗

天威將該逆卽在原籍地方生擒計川省起事著名

首逆此時已盡數辦淨並無一名漏網遠近百  
姓聞之無不踴躍歡呼同聲稱快

臣

訊明後卽

將該逆對衆臠割並梟首懸示起事地方以彰  
國憲而快人心其餘所擒賊目戰手悉係積年老

賊概行正法再湯劉二逆從前曾經懸賞六月

間官兵擒獲劉朝選時賞銀一千兩此次湯思

蛟與張簡等合夥入川官兵由川東以至川北

不辭勞瘁晝夜窮追將此股全夥殲除淨盡並  
將首逆湯思蛟張簡等先後生擒實屬奮勉出  
力臣當卽撥銀一千兩分賞出力兵勇以示獎  
勵其在事出力員弁查明再行奏請

加恩又此起賊匪竄過渠縣時有防守該縣之外委  
朱朝富帶兵堵截追賊至沙噶廟地方該外委  
朱朝富猝中矛傷陣亡殊爲可憫應懇

聖恩照例給卹其所帶兵丁亦陣亡受傷十餘名容

查明咨部照例辦理至中河一帶新竄入川之

賊臣前派達勒精阿武隆阿等帶同將備併力

剿辦茲據呈報該副都統等於初四日帶兵行

抵東鄉探得賊匪竄走方斗壩當卽連夜探蹤

進發該匪已竄雙合塲分出戰手四五百人正

在攻農民寨聞有官兵追擊卽奔上雙鳳山梁

恃險抗拒官兵分作三路叅將褚大榮遊擊羅

思舉陳弼等爲一路由左抄襲副將張良槐叅

將桂涌遊擊程元龍都司周士貴等爲一路由

右抄襲達勒精阿武隆兩帶領協領塔金保叅

領伯克思察爾巴圖副將鄭啟貴叅將馮元遊

擊蕭太和都司楊正雄田中桂何文韜等爲一

路直進冲擊殺斃賊一百餘名生擒二百一十

六名搶獲賊旂鎗子騾馬無數查訊此起賊匪  
內有黃號王國賢餘匪一起二三百人綫字號  
餘匪一起三百餘人黃號龍紹周餘黨一起二

百餘人在楚省被兵剿急先後入川合奏成股  
至梁萬地方場集居民猝不及防寨子亦間被  
攻破新近裹脅又有數百人此次官兵接仗擒  
斬三百餘人雖已挫凶鋒而餘匪尚有千餘

人幸此時湯逆剿淨又騰出達斯呼爾岱羅聲

臯等一路官兵

臣

卽派令由巴州一帶取道兜

截與達勒精阿武隆阿等兩路夾擊

臣

就近策

應務期將該匪卽日殲除至現擒賊匪人數較

多俟解到時詳悉審明再行辦理又穆克登布

所追由楚窳陝賊匪一股昨由西鄉逼入川境

臣

已派田朝貴帶兵迎截此時會否接仗尙未

得信又據太平開縣等處稟報近日有黃姓零  
匪一起二百餘人由城口竄入又有不知姓名  
零匪一起三四百人竄走堯城白馬一帶有向  
馬家營之勢臣查前次聞楚省餘匪尙有二千  
餘人近日接叅贊德楞泰來信據稱楚省只有  
崔胡戴四一股餘匪數百人現與經畧額勒登  
保夾擊又巴東邊界有陳姓股匪數百人在火



峯界嶺藏匿此外全楚別無賊匪等語是楚省  
賊勢已衰所有各股餘孽自皆逼勒入川又

臣

檢查達勒精阿武隆阿一路打仗搶獲賊旗上  
有寫樊曾陳龍等字樣者是樊人傑曾芝秀陳  
朝觀龍紹周等各號未淨散匪亦俱零星附入  
正是聚殲機會刻下此股賊匪竄走通巴一帶  
有達勒精阿武隆阿達斯呼爾岱羅聲臯等分

路兜剿兵力足敷辦理惟太平開縣一帶由楚

陝竄入賊股接踵而來人數較多恐田朝貴一

旅之師不能兼顧

臣

現又派出羅思舉陳弼一

路兵勇前往助剿

臣

查川省各號首逆本年以

來俱已盡數殲擒餘匪亦掃除殆盡川境本可

卽報肅清惟目下楚陝竄匪疊被官兵剿急紛

紛入川

臣

惟有督率各將領殫心盡力趕緊辦

理以期集事奏入

上命軍機大臣傳諭額勒登保德楞泰勒保曰湯思  
蛟一犯與王三槐冷添祿徐添德等同時在川滋  
事後又與劉朝選狼狽爲奸在川陝楚往來竄擾  
日久稽誅最爲狡猾可惡今該逆帶領五六十人  
在麻壩寨一帶逃竄經勒保飛飭達斯呼爾岱羅  
聲臯等帶兵追剿將白號餘匪悉數掃除並將湯

思蛟擒獲鬻割臬示實足以快人心而伸國憲此  
次勒保調度得宜能將積年渠惡擒獲本屬有功  
但閩摺內稱中河一帶新竄入川之賊黃藍綫字  
等號共有千餘人太平等處又有黃姓及不知姓  
名零匪共六七百人雖皆自楚境竄入究係川省  
邊界未能嚴防所致且又攻破民寨裹脅數百人  
勒保豈能辭咎此次擒剿湯逆之功僅足相抵俟

川境全數肅清再加恩賞達斯呼爾岱羅聲阜出  
力可嘉著交部議敘驍騎校巴圖蒙古見賊匪滾  
崖逃竄卽棄馬跳崖與賊格鬥致連被三傷殊爲  
奮勇巴圖蒙古著卽以應陞之缺陞用巡兵杜鎮  
海張觀國於湯思蛟在芝包口塲草店內住宿時  
見其形迹可疑卽向本卡外委買玉壽告知買玉  
壽卽至店將該犯盤獲均屬留心除已分賞銀兩

外杜鎮海張觀國著拔補外委買玉壽著拔補把  
總以示獎勵現在黃號綫字等號零匪勒保派達  
斯呼爾岱羅聲臯與達勒精阿武隆阿等兩面夾  
擊其太平開縣等處賊匪勒保因田朝貴一路兵  
單又添派羅思舉等前往協剿各股零匪雖由楚  
境竄至但旣入川境卽係勒保分內應辦之賊勒  
保務當嚴飭鎮將等上緊搜剿於十月內將川東

川北各匪就地芟除一律辦竣不可僅以驅逼出境便爲了事至德楞泰本在四川辦賊移師赴楚各股竄匪前由川省竄入湖北茲又從湖北竄回四川德楞泰亦不能無過此時楚省賊匪僅有霍胡戴四股匪百餘人及陳姓股匪數百人無難剋日殲除德楞泰如將此二股賊匪辦竣卽與額勒登保互相商酌分一人赴川幫同勒保剿辦德楞

奏在川有年於該省情形較熟且係本省將軍或  
酌令賽沖阿孫清元等留楚防禦及搜拿零匪德  
楞泰卽移師入川會剿但勒保不得因有此旨專  
候德楞泰來川因人成事總須就現有兵力遇賊  
卽剿速圖蕲事額勒登保德楞泰勒保務遵照節  
降諭旨於本月內將三省零匪悉數蕩平共膺懋  
賞若再有遲延天氣嚴寒冰雪凝滑且恐賊匪乘



間裹脅又復增多辦理需時則伊等前功盡棄恐  
不能當此重戾也凜之勉之再提督豐紳原在巫  
山大寧等處帶兵何以連次摺內未經提及此時  
賊匪由楚入川是否由該提督防堵地界竄入伊  
曾否帶兵攔截亦著查明具奏所有在沙噶廟剿  
賊陣亡之外委朱朝富著咨部賜卹

湖朝古之松松及陽高各谷皆結壤神

會邑帶其瀾幾次管轄即其舊河存或必

類聖由幾天川長谷山為聖皆前其聖

山大聖聖聖聖聖聖聖聖聖聖聖聖聖

不謂留此重天以聖天之神之聖聖聖

開真音又真得之真真真真真真真真

欽定剿平三省邪匪方略正編卷三百四十六

壬戌年

十月十九日

丁巳

德楞泰奏言竊

臣

於十一日帶

兵行抵顧村河探報戴四崔胡賊匪由橫河前

竄施家溝紙廠溝一帶查該處係老山極險之

處馬力不能前進其南面之茶園河鄭家坪派

叅將馬文斌遊擊劉彪楊登魁等帶步隊兵勇

前進東面之方家河牛攔頭派副將馬應國何

君佐遊擊楊森北面之八里坪派叅將王占鰲

遊擊李東宣西面之凉水坑令馬瑜副將呢瑪

善等均各分帶步隊兵勇兜剿臣督率富翰色

爾滾溫春富登阿托爾托保等帶領馬步兵勇

在於林外分投扼截是夜各路兵勇均已趕抵

施家溝紙廠溝探得該處地勢稍爲平坦有百

姓草房數間逆衆散屯於房屋內外各處號火

極多馬瑜呢瑪善帶領兵勇於黎明時由西面  
山梁壓下有花翎千總謝金章藍翎千總姜成  
龍把總楊和藍翎候補把總魏忠才帶領兵勇  
首先衝入殺賊數名擒獲賊匪十餘名當訊獲  
犯供稱戴四掌櫃趙元帥在內等語有四川鄉  
勇葛富張富登時將戴四戮斃四川鄉勇陳俸  
生擒趙元帥雲南把總楊和趕上幫同網縛共

殺賊二十二名生擒五十三名餘匪向東面牛

攔頭奔逃又被馬應國何君佐等兵勇截住殺

賊十一名活捉賊匪三十六名此股賊匪首從

全行殄擒並無一名漏網當查訊崔胡二逆下

落據趙鑑等供崔宗和胡明遠於昨夜各帶二

三十人脫逃不知何往等語隨將戴四首級令

趙鑑並各獲犯指認僉供如一復於戴四身邊

搜出逆父戴新傳教靈文一張臣查驗戴四約

二十四五歲白面無鬚右腮有鎗傷疤痕一道

與存記年歲面貌相同實係戴四正身毫無疑

義旋據探報崔胡二逆共帶五六十人均無器

械昨夜竄出老林向龍洞坡興房界嶺北逃勢

極狼狽臣隨派遊擊李東宣都司龍必達高發

榮挑帶趨健兵勇緊跟追剿務期將首夥全行

殲除斷不可令其遠颺詆據趙鑑供年五十一  
歲湖北襄陽縣陳家河人原與戴四的父親戴  
新同張漢潮一同起事戴四名叫戴四傑二十  
四歲他家傳教已久輩分最大戴新死了衆人  
就尊他爲老掌櫃這幾年在河南陝西四川湖  
北地方殺人放火與官兵打仗狠多張漢潮死  
後戴四另爲一股封 崔宗和胡明遠與我三



個做元帥今年夏間又和樊人傑合夥後來四  
川的官兵下湖廣來把我們殺敗戴四與我們  
商量如今湖北兵多再站不住就帶了五六百  
人分開各走要過陝西四川去都被截殺不能  
過去纔躲到這南山紙廠溝施家溝裏崔宗和  
胡明遠各帶二三十人由老林裏逃走不知何  
往戴四見官兵衝進營來無路可逃拚死抵敵

當被戮死我被拏住等語計共生擒賊匪趙鑑  
等八十九名訊出偽總兵姚有春探馬頭徐玉  
宗聶祖文俱係襄陽陳賊與趙鑑一併齣割示  
衆其積年戰手郭五張朝雲等六十六名概行  
正法被擄未久難民十九名照例釋放

臣

查趙

鑑一犯去年夥同徐添德等在興房一帶滋擾

經

臣

奏明在案嗣後杳無蹤跡今與戴四同時

擒殲該二犯係襄陽同時起事首逆數年來抗  
拒官兵荼毒數省生靈實爲罪大惡極茲幸仰

仗

天威將該二犯一併殲擒洵足以彰

國典而快人心查崔胡二逆只帶五六十人北逃

窮蹙萬分斷不敢東折臣已派遊擊李東宣等

帶兵勇五百名趕剿窮其所向且吉林泰李天

林兩路官兵現在竹山之紅坪羅漢洞一帶搜

捕零匪正可迎頭殲擒

臣

飛飭該鎮等探明截

剿諒該逆萬難兔脫至陳姓賊匪近探尙在巴

東火峯界嶺游奕並未遠颺惟又據守備史定

川探報興山所屬之中子洋坪一帶現有賊匪

數百人在彼滋擾查中子洋坪相距大營三百

餘里較之巴東稍近

臣

於拜摺後卽督率迅剿

先行肅清北面再當移師巴東趕緊剿辦陳姓  
賈守之賊此次受傷兵勇數名容俟查明另行咨部  
辦理其戴四身上搜出逆父戴新傳教靈文一

張謹附摺恭呈

御覽再查竹山協副將呢瑪善此次同馬瑜等帶兵  
協剿步行入山鑽林越箐生擒趙鑑殺斃戴四  
將全股賊匪擒斬殆盡屢著勞績誠爲得力之

員理合據實奏

聞可否量予獎勵

賞戴花翎之處出自

天恩再此次首先衝入賊巢之花翎千總謝金章藍翎千總姜成龍實屬奮勉請

賞守備銜遇缺卽補藍翎候補把總魏忠才請以千

總卽補雲南把總楊和懇

恩賞戴藍翎其殲斃戴四之鄉勇葛富張富生擒趙

鑑之鄉勇陳倅除

臣於

頒賞銀內各賞給銀一百兩外以上三名懇

恩賞戴藍翎謹一併奏請

訓示奏入

上命軍機大臣傳諭德楞泰曰此次戴四股匪在施  
家溝紙廠溝逃竄經德楞泰督率將領四面圍擊

探得該匪在民房散屯馬瑜呢瑪善帶領兵勇由

西南山梁壓下斬獲多名並殲斃戴四掌櫃生擒

偽元帥趙鑑此股賊匪首從全行殄擒並無一名

漏網德楞泰調度有方著賞給白玉大吉牌一塊

四喜玉搬指一個黃瓣珊瑚豆大荷包一對小荷

包四個並交部議敘俟將湖北各匪辦完後再加

優賞總兵馬瑜副將呢瑪善帶兵進剿殲擒賊目



亦著交部議敘呢瑪善並賞戴花翎其首先衝入  
賊巢之千總謝金章姜成龍把總楊和候補把總  
魏忠才均屬奮勇謝金章姜成龍著加恩賞給守  
備銜遇缺卽補魏忠才著以千總卽補楊和著賞  
戴藍翎鄉勇葛富張富殲斃首逆戴四鄉勇陳倅  
生擒僞元帥趙鑑除已各賞銀一百兩外並著加  
恩賞戴藍翎又發去青玉四喜搬指五個象牙四

喜搬指五個磁搬指套五個象牙搬指套五個花  
大荷包五對小荷包十個著德楞泰分賞出力將  
弁壹兩重銀牌一百面五錢重銀牌一百面分賞  
出力兵勇以示鼓勵此時戴四股匪業已剿盡其  
崔胡二逆祇帶領五六十人向北窮竄德楞泰已  
派遊擊李東宣等帶兵趕剿且吉林泰李天林兩  
路官兵在竹山一帶搜捕零匪正可迎頭截擊務

將此股殘匪上緊殲除勿留餘孽惟摺內稱興山屬之中子洋坪一帶現有賊匪數百人在彼滋擾此股賊匪是否卽係巴東陳姓夥匪分出抑係另起之賊德楞泰現在督兵先往中子洋坪趕剿此股肅清北面再移師巴東剿辦陳姓如能將兩處賊匪迅速掃除湖北別無成股賊衆德楞泰當遵照昨旨與額勒登保互商將楚省搜緝零匪之事

欽定四庫全書  
欽定平定回疆方略卷三十三  
九

交賽冲阿孫清元等辦理或額勒登保就近兼顧  
德楞泰卽當統率勝兵入川協剿此時川省賊數  
增多均由湖北竄往德楞泰本係成都將軍又係  
伊在楚未經剿盡之賊自應一手辦竣務須倍加  
奮勉於十月內全數蕩平竚膺懋賞不可又有耽  
延勉成大功爲要

同日惠齡奏言竊臣昨因提督楊遇春親率官

兵已向嶺南督剿恐嶺北一帶無人督率致任  
零匪潛匿當卽帶兵由子午峪入山馳赴夾嶺  
一帶偵探賊蹤就近督飭搜捕嗣據探報前在  
小南溝屯聚之賊匪一二百人經楊遇春帶兵  
趕往擊剿該匪聞風已先由琵琶嶺一帶西竄  
楊遇春卽督同楊芳冒雨催兵追至火地坪擒獲  
活賊劉老第等五名並救出難婦余氏等賊匪

丟棄糧食包裹甚多又分爲數股沿途散竄楊  
遇春楊芳分帶兵勇由蓮花石油磨等處遍加

搜捕都司余步雲在干岔河搜殺賊匪二名生

擒張隆等四名又軍功黃太等在朝陽寨地方

望見林內火光乘夜搜殺賊匪四名餘賊多有

帶傷者該逆等被搜緊急復由大水溝一帶狂

竄楊遇春楊芳等緊躡跟追臣亦由八里坪一

帶兜截前進沿途均有斬獲直追至蓼葉坪老

林賊匪情急返身抗拒楊遇春楊芳揮兵直前

攪殺一處內有一賊身穿紅褂招呼衆賊一擁

撲進兵丁李連首先衝入被賊戳斃陣亡有軍

功蒲子葉王明智率領鄉勇戴貴甘奉陳文斌

等搶上將身穿紅褂之賊卽時生擒餘賊敗退

兵勇一齊趕殺共戳斃二十餘人僅剩三四十

人亡命逃遁適軍功袁俊華由叅塘河搜剿前  
來復經截殺又殲斃賊匪八名餘賊棄械四散  
當提擒獲活賊審訊據供我名苟文清苟文明  
是我胞兄自苟文明被殺後我只帶有八十餘  
人逃走總在老林奔竄因人少不敢打仗探有  
官兵追近就把衆人分作十幾處隨地藏躲等  
官兵過後再聚合一處掠食昨與張元帥合營



要一同往東路覓食不意被官兵連次搜殺我  
情急拚命遂被捉住等語當卽將該犯臠割又  
馬二掌櫃一股零匪竄至黑魚溝經外委趙起  
貴帶兵追及殺賊五人生擒二名又經都司馬  
進搜獲該逆夥內大旗手一名餘匪乘夜逃逸  
又楊芳所派外委馬元奎等探有零匪十餘人  
在弓家灣老林潛匿當卽帶兵趕往搜剿該匪

等一見官兵卽拋棄器械從林內投出跪地喊  
求饒命共計十三人當經該外委報解到營內  
有苟文禮父子二人據供與苟文明原係同族  
被他們逼脅入夥經官兵殺散我與兒子苟朝  
靖并陳宗友等十三人藏在老林聽見人說投  
首的免死方敢投出我情願隨同官兵再去招  
呼同夥舊人都來投首等語查苟文禮父子雖

係苟逆族黨但其入夥出人逼脅且既經棄械  
投誠自當遵照

恩旨貸其一死使賊匪聞之知苟逆親屬一經投出

尙能獲邀寬典更可釋其疑慮相率來投再據

通判雒昂稟報在廟坪老林殲斃賊匪五人生

擒一名又委員劉固譽稟報在秦嶺西溝殲斃

十九人擒獲偽先鋒謝添貴一名當卽正法又

總兵李應貴追剿一股賊匪西竄柴家關經委  
員郭利賓張廷相率同軍功朱陞等帶勇堵剿  
殲斃賊匪數名賊匪捨死衝撲軍功朱陞力戰  
陣亡適總兵李應貴帶兵趕上殺賊五名生擒  
十五名餘賊由黑屹峪向秦嶺老林西竄李應  
貴緊躡追剿又委員白受華在鐵牌溝老林搜  
殺賊匪三人捉獲一名委員應先杰在對子溝

率勇防堵鎗斃賊匪四人寨總林定隆盤獲賊  
匪王懷玉等五名解送寧陝廳審辦各等情查

刻下山內零匪因各路兵勇向東排搜均有竄

向西路之勢楊芳率同守備党聯陞等已由栗

札坪向西跟追楊遇春亦由洵陽壩向西督剿

臣復飛飭總兵李應貴抄赴西面會同侍衛哈

豐阿都司司國屏趙有倉等顧西向東截擊以

期兩路逼剿勿令餘匪擾及棧道臣亦卽從西

流水一帶馳赴西路紙坊溝等處偵探賊蹤如

已直向西奔臣卽由山內趕赴西路搜剿倘該

匪等又圖北竄窺伺平原臣仍卽由澗峪出山

緊顧北面峪口以防該匪輾轉逃避惟山內連

日大雨秦嶺老林已有積雪臣前經捐廉製備

棉衣鞋腳二千五百件當經分給各路出力兵

勇加以鼓勵務須乘此賊勢殘敗之時盡力搜捕使賊匪無喘息之暇自可立時掃蕩迅就肅

清再

臣

接准將軍與奎咨稱川境松坪一帶有

賊匪二百餘人在彼游奕距陝境花石梁等處

卡隘較近當經飛飭都司永明帶兵前往探剿該匪聞信仍由原路折奔東溪寺遠遁又探聞五塊石等處有零匪二十餘人潛匿亦經永明

前往搜捕擒獲賊匪二名餘賊折回川境逃逸  
與奎因聞南山餘匪有西竄之勢并聞留壩九  
條灣有零匪二三十人滋擾雖經委員黃綬率  
勇搜殺數名餘匪仍遁入老林恐其奔入黑河  
由寧沔逃赴川省當卽移營寧沔適中之鐵鎖  
關駐紮以期東西兼顧仍督飭慶溥永明嚴防  
邊界又據總兵富蘭稟報由川省通江寨至新



寨子有一股賊匪二百餘人經該鎮帶兵迎擊  
殲斃賊匪十餘人生擒黃宗林等十一人千總  
楊鵬基首先衝殺猝中賊矛陣亡並陣亡兵丁

四名該匪奔竄松樹壩又經該鎮躡蹤趕上殺  
賊二名餘賊連夜由柳樹壩折回川境有臬司  
劉清接剿又據平利縣稟報由川省竄至散子  
坪零匪百餘人經守備王英在川陝交界之石

密河朝陽坪等處截剿殲斃多名擒獲五名該  
匪白黃墩一路折竄入川等語現在經畧額勒  
登保移赴楚界探剿戴崖股匪其陝境邊防已  
留將軍賽冲阿總兵喜明照料堵截提督穆克  
登布又在安紫一帶沿邊截擊不致賊匪闖入  
其江岸一帶已已飭各地方文武並防邊鎮將  
等在於淺灘處所安設兵勇加意隄防並隨時

查察船隻毋許停泊南岸布置嚴密似可無竄  
越之虞奏入

上命軍機大臣傳諭與奎惠齡楊遇春曰此次惠齡  
楊遇春楊芳等分投追剿大水溝蓼葉坪老林賊  
匪沿途殲斃數十名並生擒苟文明之弟苟文清  
一犯審明後卽將該犯臠割其餘各股零匪亦均  
有斬獲所辦尙好其隨同打仗生擒苟逆之軍功

蒲子栞王明智鄉勇戴貴甘奉陳文斌等尙無頂  
戴卽著賞給七品頂戴若已有頂戴卽著賞戴藍

翎以示獎勵陝省零匪爲數無幾不難尅日搜捕

完竣惟摺內稱川境松坪一帶有賊匪二百餘人

在彼游奕又總兵富蘭稟報由川省通江竄至新

寨子一股賊匪二百餘人又平利縣稟報由川省

竄至散子坪零匪百餘人均截回川境等語看來

湖北餘匪離陝境邊界已遠不能竄入而川省剿  
散零匪紛紛俱欲竄陝若再逸入南山剿辦更爲  
棘手是此時防堵川省零股之賊尤爲緊要楊遇  
春現因南山零匪未淨不能分出兵勇在川陝邊  
界防堵但刻下山內零匪究屬有限搜捕較易惠  
齡係該省總督應督率楊芳維昂等在山內搜剿  
楊芳係陝安鎮總兵該處地方是其專轄路徑亦

爲熟悉所有山內之賊卽交該鎮等上緊剿淨勿  
留餘孽至興奎甫任將軍於該處道路情形未能  
周悉莫若騰出提督楊遇春一路兵力在川陝交  
界往來巡緝實力堵剿遇有自川竄近賊股卽責  
成該提督會同興奎迅速剿盡惠齡仍當督飭鎮  
將總以嚴防川境竄匪爲要倘興奎等經此次飭  
諭之後不能實力防範仍令川省賊股乘間逸入

則惟伊等是問必從重治罪决不輕恕若同心協  
力嚴密防堵俾川省賊匪剿淨馳遞捷音伊等防  
堵之功卽同臨陣之績亦必同邀恩獎也所有此  
次打仗陣亡之兵丁李連軍功朱陞千總楊鵬基  
均著咨部賜卹再陝省各處大山老林刻下已無  
成股之賊在彼潛藏或有零星散匪十數爲羣遁  
匿其中若不淨絕根株仍恐其復行糾聚惠齡等

奏報蕨事後當分派得力鎮將帶領官兵將老林  
內以次排搜務須深入林內遍行躡捕實在搜除  
淨絕方可先撤鄉勇次撤官兵爲一勞永逸之計  
再會同川楚各督撫詳議章程每年三省派出提  
鎮大員於川楚陝交界各老林內定期會哨一二  
次奏明遵照辦理方爲妥善

同日陸有仁奏言連日據探報前由紫陽奔竄



川界之王姓股匪經穆克登布派兵緊躡追截  
已深入川境其前竄洵陽一帶之熊姓股匪經  
富翰呢瑪善連次分投剿殺餘剩無幾現亦折  
回楚境經畧額勒登保由紫陽移師平利縣屬  
之八卦廟一帶就近探蹤剿辦川楚邊界之賊  
至南山餘匪成股者止有兩起每起不過七八  
十人其餘似零星散竄到處潛藏督臣惠齡商

同楊遇春等設法搜剿楊遇春帶兵馳至小岔溝正遇成股之賊擒斬二十餘名又總兵楊芳於楊泗廟老林乘夜搜獲賊匪十餘名又通判雒昂於黑龍溝一帶老林招降賊匪曹正魁等十四名連日來各路將弁寨員各有搜獲零匪自一二名至四五名不等均經隨地解送軍營並地方官分別辦理上復節次札催楊遇春楊

芳並嚴飭各路督辦寨勇大員乘此天時尙未  
互寒趕緊搜洗淨盡務期南山剋日肅清楊遇  
春等卽可移師邊界探剿川楚未淨零匪則三  
省大功更可同時告竣共慶救寧前蒙

賞撥餉銀臣節次咨催接續解到各處供支藉資分

撥再臣前櫻微疾日來已覺漸愈並能加進飲

食上緊調治自卽就痊足慰

聖明垂厯至一應緊要公事臣力疾照常辦理未敢

貽悞奏入

上命軍機大臣傳諭陸有仁曰陸有仁奏探明搜剿賊匪情形與惠齡所奏大畧相同日前因該撫病勢尙未輕減曾蒙旨令其速行回省安心調治此時大功將竣軍需糧餉等事該省本派有專員經理陸有仁病旣未愈自無庸駐紮漢中卽日內業

已就痊亦儘可回省料理地方事務現在南山餘

匪俱係零星散竄並無成股夥黨而川境之賊被

官兵追剿緊急恐其復竄入陝今已有旨責成興

奎惠齡楊遇春等分投防剿該撫惟當嚴飭各路

寨員趁此時尙未沍寒幫同官兵上緊將山內零

匪逐段排搜務期淨盡並於各邊界嚴密防範毋

任川匪闖入此爲至要至糧餉一節此時東三省

官兵業經自陝撤回其隨征鄉勇亦已陸續資遣  
回籍所需軍餉較前省減陸有仁尤當飭屬撙節  
供支源源接運勿稍浮冒

同日楊揆奏言川省各股零匪節經督臣勒保  
分兵搜捕日漸減少其闖入大寧一帶之楚省  
竄匪亦屢有斬獲近有藍白號賊匪數百人由  
廣元之熊家河向南江地界逃逸查該處現有

許文謨田朝貴等帶兵截擊自不致蔓延爲患  
其餘零匪復經勒保刊發告示准其悔罪投誠  
旋有賊首張長青於雲陽地方率衆投首卽此  
可見該匪等窮蹙萬分求生無路如能相率來  
歸較之搜捕更爲事半功倍至善後事宜莫如  
安插鄉勇一事最爲要務現在陝省征防鄉勇

奉經畧

臣

額勒登保酌定條規

奏明裁撤其籍隸四川者分起資送回川遞原籍

州縣安插經臣稟請勒保咨明陝省凡有遣回

川勇及經由川省之黔楚各勇每起酌若干人

先期按名造冊咨明川省發交入境首站之廣

元縣逐名點驗倘冊內有名而人不到者隨時

移知陝省則沿途可以及早清查川省亦可將

實在人數著落地方官安插茲據廣元縣稟報



已陸續到有九起均係遵照籌定章程每名每

日給錢八十文米一升並搭蓋棚廠以資棲止

現經川北道李鎡駐劄廣元稽查彈壓該鄉勇

等一路行走尙屬安靜臣仍通飭原籍地方官

遵照奉發條規妥爲安頓以期仰副我

皇上防患安民之至意至於軍餉一項計算至九十

月間卽不敷支放除具稟督臣察核外如有要

需臣惟有將司庫正雜各款不拘何項先行籌

是上款接濟不敢稍有貽誤奏入

上命軍機大臣傳諭楊揆曰楊揆奏官兵分剿竄匪

及安插鄉勇各情形一摺此時由楚竄川之賊經

各路鎮將分投截擊屢有斬獲節據勒保陸續奏

報與所奏大畧相同至安插鄉勇一節殊有關係

現在陝省裁撤征防各勇其籍隸四川者既已分

趙資送遣回楊揆自當通飭各屬凡有遞到四川  
鄉勇務須照冊慎重點收妥爲安頓至軍餉一項  
刻下搜剿餘匪及善後事宜正多需用已降旨籌  
撥矣

上又命軍機大臣傳諭佶山三義助曰現在大功尅  
行告蒞川省辦理善後事宜需用尙多著傳諭佶  
山三義助於兩淮鹽課項下撥銀三十萬兩粵海

關稅項下撥銀二十萬兩迅速派委妥員解赴川  
省交勒保收貯備用並飭令沿途地方官小心護  
送毋致遲悞

二十二日

庚申

德楞泰奏言竊

臣

昨於十三日督

兵向熊莊前進探剿中子洋坪屯踞之賊途次  
據副都統富僧德總兵蒲尙佐稟報帶兵由兩  
河口已抵興山之豐玉坪等情查該處相距中

子洋坪不過百里係在賊之東面臣卽飛飭令

其星夜由鄭家坪狗兒灘向西北進發十四日

臣趕抵熊莊離賊巢六七十里中隔兩重箐林

探報賊匪尙屯該處約有四五百人是夜二更

乘月色發兵臣派令馬瑜帶同副將虎瑪善馬

應國何君佐叅將馬文斌王占鰲遊擊楊登魁

劉彪左位等帶領兵勇由中央亞翻越老林進

剿臣督率富翰色爾滾溫春富登阿托爾托保

侍衛慶昌總管蘇卿阿協領德寧阿副總管珠

山副將達自祥宋士奉叅將烏爾喜訥遊擊楊

森都司劉廷斌等帶馬步兵勇由溝底抄出截

殺十五日辰刻兵抵中子洋坪詎賊已向雙池

東竄兩路官兵疾馳四五十里直至雙池趕上

賊匪時已申刻馬瑜高呢瑪善馬應國何君佐

馬文斌等由左手山梁下壓臣督同富翰色爾

滾從右手正路衝擊該匪憑險抗拒兩路兵勇

分投齊進鎗箭並發殺賊四十餘名生擒李大

典袁馬氏等九十一名搶獲賊旗刀矛馬騾牛

隻甚多餘匪敗向平水河沿途紛紛散逃臣隨

分兵搜捕富翰色爾滾馬瑜等帶兵緊跟不予

以暇適富僧德蒲尙佐副將馬元沈洪叅將張

應貴遊擊虎正林等由豐玉坪鄭家坪向西迎  
截來至狗兒灘正值殘匪東逃兜頭截住前後  
夾擊又殺賊五十餘名生擒吳顯倫等七十二  
名滾崖跌斃及渙散者亦多又搜獲張觀書等

二十一名約剩餘匪一百二三十名折向金子

山北逃時已天晚計兵馬趕剿已有一百六七  
十里又係老山箐林之中勢難再進當將獲犯



並馬騾牛隻旗幟器械呈繳前來訊出探馬頭  
李大典董天文大旗手袁大章周學俊四名均  
卽禱割戰手王仲英等七十二名一併正法其  
附近被擄男婦大小難民王化英蔣成虎袁馬  
氏胡龔氏等一百零九名照例省釋交與山縣  
妥爲遞籍旋探該逆尙有一百二三十人由金  
子山向田溪灣西北而逃若無兵趕緊跟剿又

恐擄脅爲患臣當派托爾托保朱士奉烏爾喜

訥帶領原兵一千餘名窮其所向務將餘匪翦滅並令沿途搜捕零匪惟近探陳姓賊股與巫

山文武具報賊數多寡不同又由火峯界嶺竄

至川楚交界之三灣子一帶該處逼近江岸距

臣軍營五百餘里臣現卽督率將領員弁兵勇

取道歸州之平陽壩前往趕辦並先行知分駐

大寧巫山之豐紳張績預爲嚴防堵截諒亦易  
於掃除至崔胡二逆五六十人北逃臣前令遊

擊李東宜等帶兵趕追日來未據稟報其熊翠

熊方青等遺孽近按經畧額勒登保自曾家壩

來信只剩數十人南竄化龍山一帶又有馬賊

二十餘人竄往豐溪均有入川之勢業已另派

官兵緊躡趕剿令德昌在於竹溪郭家洲一帶

搜捕零匪等語臣亦已嚴飭該總兵實力搜剿

不任遲延再臣自陝界迎截崔胡戴四賊股至

川境毗連之蕭家坡所過二竹境內並無一二

百成股之賊茲又南至房縣興山地界只有向

李兩起零匪業經掃盡其青黃兩號四百餘人

亦被剿殘詢之富僧德等據稱自竹山之官渡

由房縣保康境內西至興山曾經遍查不但無

成股之賊亦並無零匪又宜昌府知府金之忠  
催運糧餉來營據稱南漳保康東湖歸州各屬  
地方均爲寧謐現在全楚賊情大概如此此次  
惟吉林戴花翎防禦色克津保右膀被矛穿透  
四川藍翎外委盧一得左頸項受矛傷一處均  
不甚重其陣亡受傷兵勇十數名容俟查明咨  
部辦理奏入

上命軍機大臣傳諭德楞泰曰此次青黃兩號餘匪  
在中子洋坪屯踞經德楞泰派令馬瑜富翰等帶  
兵分路追擊共擒斬三百數十名祇剩餘匪一百  
二三十名向西北奔逃現經德楞泰派令托爾托  
保等帶兵窮追看來此起餘匪狼狽已極自可卽  
日殲除至陳姓股匪現在竄至川楚交界之三灣  
子一帶德楞泰親自督兵取道歸州前往趕剿並

知會豐紳張績預爲嚴防堵截想亦不難尅期辦

淨此時楚北境內已無成股之賊陳姓股匪又已

竄至川省交界地方德楞泰當督飭鎮將等卽將

此股餘匪就地剿淨或該匪竟竄入川境德楞泰

亦當帶兵緊躡追剿將陳姓股匪辦竣後卽可在

川會同勒保將線字號黃藍號各餘匪上緊剿除

務于十月內外一律蕩平勉成大功以膺懋賞至

此次打仗受傷之防禦色克津保外委盧一得現  
在傷痕曾否平復著德楞泰查明遇便覆奏

本日吳熊光奏言查戴四崔胡各逆經叅贊德  
楞泰統兵追擊並分派將領四路兜截茲據探

報副將何君佐馬應國及副都統富翰副將呢  
瑪善等兩路官兵趕至顧村河會探知該逆竄

至施家溝屯匿離顧村河數十里何君佐馬應



國等卽連夜帶兵由茶元河前進富翰呢瑪善等亦卽帶兵由凉水壩前進五鼓行抵該處該匪等正欲他竄富翰呢瑪善等從山梁直下撲剿何君佐馬應國等夾攻迎截殺斃三十餘名生擒四十四名餘匪向密林逃竄兵勇跟蹤由長房河一路追捕時該匪遁匿毛臘河地方兵勇乘夜馳往襲擊該逆等在民房歇息經兵勇

四路截殺殲擒殆盡內首先率衆衝出一賊經  
兵勇擊傷旋即擒縛令其餘獲犯指認僉供卽  
係戴四兵勇已將該逆並其餘獲犯俱送德楞

泰營盤訊辦惟崔宗和胡明遠二逆是否已在

節次所斃賊內抑尚在潛逃

臣

未接德楞泰知

會僅據探報未能詳盡想德楞泰研訊獲犯一  
切詳晰情形自當卽行馳奏又據報副將呢瑪

善叅將王占鰲等帶領官兵入山探剿因中紫

陽地方有零匪一股四五百人竄近該副將等

帶兵趕到平水河地方迎遇賊蹤適總兵蒲尙

佐亦帶兵趕到兩面夾擊斃賊百餘名割獲耳

記四十七副生擒一百三十九名餘匪竄向了

子山老林藏匿復經兵勇追捕又獲七十三名

等語此係何股賊匪未據報及臣查鎮臣蒲尙

集三卷之三  
佐一路官兵前經德楞泰派往巴東剿辦陳姓  
股匪該處距巴東不遠此股零匪經該鎮追擊  
前來或卽係陳姓一股今經兩路兵勇迎遇痛  
剿殲擒三百餘名賊勢已蹙且戴四亦係元年  
起事首逆今首夥旣除兵威益壯以之分剿陳  
姓餘孽當可卽期得手至熊翠一犯前經兵勇  
於王家山乘夜進剿營將熊方青殲斃尙不知

熊翠下落續據訊問獲賊熊翠已身帶矛傷爬

山逃遁料亦不能遠逸

臣

已飭總兵德昌會同

經畧額勒登保派到兵勇趕緊搜捕毋使漏網

其餘竹山竹谿南面山內據報零匪兩三股人

數均不過百餘及數十人不等

臣

分飭總兵德

昌吉林泰李天林分投探剿并遵照前次欽奉

諭旨發貼告示令沿途寨勇協力搜剿以期速就廓

清蕲功完善奏入

上命軍機大臣傳諭吳熊光曰戴四崔胡等股賊匪  
經官兵在施家溝毛臘河一帶兩次襲擊將首逆  
戴四及其餘夥黨殲擒淨盡已據德楞泰奏到此  
時崔胡二逆祇帶五六十人向北奔逃其熊翠一  
犯業已身帶矛傷料亦不能遠逸業據德楞泰奏  
明派兵跟追吳熊光當督率地方寨勇人等幫同

搜捕毋致逃匿漏網又本日據德楞泰奏稱伊在

雙池地方將青黃二號零匪痛剿之後已移兵巴

東巫山一帶專剿陳姓股匪等語此等殘敗游魂

諒亦不難撲滅此時楚省情形若將崔訶熊翠等

逆逃竄首夥悉行殲獲再將陳姓一股辦淨全境

卽可肅清至興巴房竹一帶山內恐有未淨零匪

在彼藏匿曾經降旨令吳熊光等分派鎮將逐段

排搜今楚省零匪將次剿淨所有排搜一事卽當  
趕緊辦理以淨根株不可輕信帶兵人員之言以  
山內現在無賊遂不復派員入山查辦也

同日

上諭內閣曰湖北省被賊州縣自嘉慶元年以來疊  
奉恩旨豁免錢糧所有地丁屯餉起存驛站正項  
及隨徵耗羨並雜課隨漕驢腳等款均係一併豁



免此次該省被賊州縣著全保查照原奉恩旨內

被賊各州縣本年應徵地丁正耗錢糧全行豁免

者仍著加恩將本年應徵屯餉起存驛站正耗及

雜課隨漕淺船驢脚南折軍三安家幫津等欸一

併全行豁免其蠲免十分之五十分之三三者並著

加恩一併分別蠲免十分之五十分之三至帶徵

節年屯餉起存驛站正耗及隨漕淺船驢脚南折

軍安幫津等款亦著查照各該年應行展緩州縣  
 與地丁正耗錢糧分別展緩五年四年帶徵以示  
 朕恩施無已至意該部知道

欽此

欽此

欽此

欽此